

Molnupiravir

(Akatangi'anga 'mol-nu-PIRĀ-via')



E oronga ia ana te molnupiravir ki tetai au tangata, no te rapakau atu i te au akamaki'anga i runga i te kopapa, tei akatupu'ia e te COVID-19. Penei e ka tauturu teia kia viviki koe i te meitaki, e kia kore koe e tae ki roto i te are maki.

Me kai koe i te molnupiravir i roto i te 5 ra, mei te tuātau mai i te ia ei koe e te COVID-19, ka akaiti mai te reira i te maki ka anaunau mai i roto i toou kopapa i te reira tuātau. Ka kite rai toou Taote e, me ka anoano'ia koe kia kai atu i teia me kare.

Kai'anga i te molnupiravir: Kai e 4 uero, e 2 taime i t era, no tetai 5 ra



I te au popongi rava rai

Kai e 4 uero



I te au a'ia'i rava

Kai e 4 uero


Kai atu e 4 uero i te au 12 ora mei tetai kai'anga ki tetai (Akara'anga, kai e 4 uero i te ora 8 i te popongi, aru atu e 4 i te ora 8 i te aiai)


Ko te kai'anga i te uero, apuku pupu atu i te reira, ma tetai karati vai. Auraka e ngau me kore, e akangaa te uero i te tuātau kai'anga.


Ka tau ua te kai atu i teia uero ma te kai, me kore ara, ma te kore e kai.

Aru rai koe i teia kai'anga i te uero, e tae ua atu te **5 Ra**. Auraka e akaoti tarere ua i te kaianga i teia uero, ma te kore e porokiroki'anga mei toou Taote, noatu e te kite ara koe i te meitaki.

Me kua topa ia koe tetai kai'anga


 Me topa ia koe tetai kai'anga i toou uero, kai atu me maara ia koe, **me tei roto tikai i tetai 10 ora** mei te tuātau tikai tei akanoo'ia kia kai koe.

 **Me ara atu i te 10 ora** mei te tuātau tei akanoo'ia no te kai'anga i toou uero, ka maara mai ei ia koe, vaoo atu, auraka e kai, mari ra, kai atu i te kai'anga tei akanoo'ia te ka aru atu.

 Auraka e kai maata atu i te molnupiravir no te monomono atu i te kaianga tei topa ia koe.

Akakite atu ki toou Punanga Rapakau, i te au tu vairakau e te uero taau e kai ana

Uiui atu ki toou Taote me kore ara Punanga Rapakau e, me ka tau rai koe kia kai atu i tetai au vairakau e te uero ke atu. Te vai nei tetai au vairakau, ka tamanamanata atu te reira, i te angaanga a te molnupiravir.

 **Ko te akapapa'anga o te au turanga tukai tapiri putuputu, e kite'ia ana, tei runga i te kapi i muri mai**

Te molnupiravir e te vaine nui

E apinga puapinga te paruru no te Tane E TE Vaine



Te arapaki'anga ki runga i te nui:

Te vai nei tetai turanga papukore no te kino ta te molnupiravir ka akatupu ki te pepe, i roto i te vairanga.

Paruru atu, auraka koe kia nui atu i te tuātau e kai ara koe i te molnupiravir, E TAE ATU ki te 4 ra, i muri ake i te kai'anga openga. (Kai atu i te uero paruru, kia kore koe e nui, me kore, auraka e piri tane atu i te reira tuātau).

Me e ake e, e nui mai koe i te tuātau e kai ara koe i te molnupiravir, aravei atu i toou Taote me kore ara Punanga Rapakau.



Te arapaki'anga i runga i te tatea:

Kare i papu e, me ka arapaki rai te molnupiravir i te tatea o te tangata.

Me e putuputu ana koe, me kore ara korua ko toou tokorua i te piri e, e ngoie ua te Vaine i te nui, e mea tau e kia kimi atu korua i tetai ravenga paruru, kia kore e nui i teia tuātau, E PERA no tetai 3 Marama i muri ake i toou kai'anga openga i te molnupiravir.

Te angai nei koe i te pepe ki toou u?

E mea tau e, auraka koe e angai atu i taau pepe ki toou u, i te tuātau e kai nei koe i te molnupiravir, E PERA e 4 Ra i muri ake i toou kai'anga openga i te molnupiravir

Akakite atu ki toou Punanga Rapakau e, te angai ara koe i taau pepe, ki toou u, i MUA AKE ka kai atu ei koe i teia vairakau.

Ko te au vairakau kātoatoa, e turanga tu kaui tapiri anake to ratou

E akatupu ana te molnupiravir i te turanga tu kaui tapiri, noatu oki e, kare te kātoatoa e kite ana i te reira.

Turanga tu kaui tapiri putuputu

Kare teia e pakari roa ana, e ka ngaro ua me akaoti te kai'anga i te vairakau. Me te tamanamanata ara teia au turanga tu kaui ki runga i toou kopapa, akakite atu ki toou Taote me kare e ngaro:

- Tutae vaivai (eke)
- Kare e meitaki ana (akakoko ruaki)
- Ainiini te upoko.

Turanga Tu Kaui Tapiri, Varavara i te kite'ia

Aoro atu i toou Punanga Rapakau me kore ara ringi rapurapu atu i te **Healthline i runga i te numero 0800 611 116**, me kite koe i tetai au turanga ou takiri, kare e meitaki ana:

- Akamaro te pakiri
- Akaeaea tetai au ngai i runga i te kapumata tae roa atu ki te ngutu e te arero
- Teiaa te umauma
- Ngata te akaea, me kore te uti'anga i te ao.



No tetai ua atu tuatua no runga i te molnupiravir, aoro atu i te kupe roro uira hn.org.nz/molnupiravir